

46

29

DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA *,
*QUOD LIBETARIIS DISPUTATIONIBUS
manè discutienda in Scholis Medicorum, die Martis decimæ-sextæ
mensis Martii, anno Domini M. DCC. LXXIX.*

M. JOANNE-JACOBO NOLLAN,
Doctore Medico, Præsîde.

*An impeditis lacrimarum viis, parari debeat lacrimis artificiale iter, in cavum quod
juxta majorem oculi canthum, inter superficiem internam palpebræ, & oculi
globum deprehenditur?*

I.

IN externam oculi superficiem, rore amico, depluit latex limpidus quem
fundunt excretorii glandulæ lacrimalis ductus; quâ proportionē stillat ros ille,
eâdem fere per oscula ductuum lacrimalium resorptus, interiora sacci lacrimalis,
deinde ad nares, mediante ductu nasali, transmittitur. Varia sunt nozarum genera
quibus, per itinera modo memorata, præpediri potest lacrimarum transmissio;
dum enim majore oculi cantho adnascitur tumor aliquis, ut verbi gratiâ Encan-
this, dum hæret obex ductui nasali, dum fistulâ laborat, aut fungo infestatur fac-
cus lacrimalis, dum post inflammationem palpebrarum, coalita remanent puncta
lacrimalia, tunc interclusis meatibus, super genas flumine refluuo decidunt lacrimæ;
huic vitio impositum est epiphoræ nomen, maximas ægotanti creat molestias;
siquidem perpetuo lacrimarum fluxu abstergitur humor ille unguinosus quo lubri-
cantur palpebrarum margines, hinc tarsi intumescunt, rubent, tandem inflamma-
tione correpti exulcerantur: unde natales ducit tetrum deformitatis genus quod
Ectropium vocant. Cum igitur gravioris admodum momenti sit incommodum istud,
non mirum quod defudarint tot præstantes in arte Chirurgicâ viri, ut præclusum
lacrimis resisterent iter; quid fausto partu in medium protulerit illorum indus-
tria perlustrare est, hinc facilius elucescet quàm cæteris præstet nova methodus
à celeb. hujusce scholæ M. ANTONIO PETIT excogitata, quæ sola id laudis sibi
vindicat, ut periculi omnino expers, feliciter in omni casu usurpari queat citra
ullum cicatricis inhonestæ vestigium; & primo, ne devii huc & illuc ferantur
gressus, non abs re erit morborum qui epiphoram generare solent genuinis carac-
teribus, causis, & symptomatibus paulisper immorari.

I I.

NOZARUM quibus tentantur viæ lacrimales individua comes Epiphora; hinc
omnia susdeque miscentibus, eodem nomine placuit insignire morbos indole,
naturâ, situ planè diversos; etenim vox fistulæ semper sonat, fallitque incautos
invisula denominatio; istiis saltè erroris dedecus vitare nostrum est. Ridiculum

* Tertio propugnata. Auctore M. L. PÆRUX, D. M. P.

2

nimis Epiphoræ pendenti ab occlusione ductûs nasalis, aut à coalitione puncto-
rum lacrimalium, fistulæ nomen tribuere; quando adest occlusio ductûs nasalis,
his sese pròdit notis: cum ad narem perlabi nequeant lacrimæ, sensim sine sensu
coaccervantur in sacco, hinc turget adeò ut extrinsecus in conspectum prodeat tumor
qui hernia lacrimalis juxta quosdam, hydrops sacci lacrimalis juxta alios vocatus fuit;
ubi verò ita intumuit receptaculum, ut nihil jam intromitti queat, cum secretioni
semper eodem tenore vacet glandula lacrimalis, necessariò continget ut ex oculo per
genas decendant lacrimæ, si digito prematur cutis cui subjacet saccus, tunc per puncta
lacrimalia refluit humor contentus, qui ob moram spissior, materiem purulentam
colore, aliquando mentitur. Ista sacci lacrimalis prominentia facile distinguitur ab
anchilope qui est tumor carunculæ durus, inæqualis, digitorum pressioni renitens,
ab Ægilope qui est ulceris species in viciniâ sacci lacrimalis posita. Timendum
est ne, dum distenditur saccus, distractis nimium fibris, rumpatur, tunc soluti
continui ora semper ab acrioris lacrimæ effluxu irritata indurescunt, pus mali
moris eructant, callis obidentur, & fistula propriè dicta locum habet; causas
obstructionis ductûs nasalis referre est aut ad compressionem à polypo oriundam,
aut ad inflammationem, quibus causis fit ut moras nectat liquidum, parte fluidi
diori sufflaminata, quasi fæces subsident super parietes ductûs, sicque faciâ congesti-
one, ponatur obex jam artis medicæ molimina irrisurus; post variolas, præ-
gressâ palpebrarum inflammatione, sæpe contingit ut exulcerata seu puncta lacri-
malia, seu ductus lacrimales coalescant: hujus mali diagnosi eruitur ex perpetuo
lacrimarum effluxu quem in sacco lacrimali nullus stipat tumor nec alterius generis
noxa. Tandem ex alio morbi genere refractariæ admodum indolis, natales mutua-
tur Epiphora. Juxta majorem oculi cantum, rupto lacrimarum receptaculo, for-
didum ulcus deprehenditur pus ichorosum plorans, cujus ora callis circumdata;
fistula lacrimalis audit, quæ simplex aut complicata, benigna aut maligna; com-
plicata quando adest caries aut ossis unguis, aut apophyseos ascendens ossis maxillæ
superioris, aut apophyseos orbitariæ internæ; maligna, quando inversa ac dolorifica
soluti continui ora indolem canceri induunt: pro variis istis noxarum generibus in
diversas processum fuit medendi vias, ad quarum expositionem properamus.

I I I.

OBSTRUCTO ductu nasali, veteres hanc instituebant operationem: lumine
adverso collocabatur ægrotans, ipsius capite ad posteriora nonnihil retracto,
tunc Chirurgi manus scalpello recto instructa, cutim quâ obtegatur saccus lacrimi-
nalis, digitorum ope firmiter tensam secabat incisione semilunari quæ orbitæ curva-
turam ferè sequeretur; diducto vulnere prodibat saccus lacrimalis apice instrumenti
transigendus, quo facto, contra os lacrimale magnâ vi specillum ita adigebatur,
ut rupto osse ad naris cavum penetraret; postea per foramen, aut cercus, aut lig-
neum bacillum immittebatur, quæ retrahere nefas donec plagæ exteriori cicatrix
inducta fu-rit; spreta obsolevit hæc methodus, nec immeritò; præter periculum
quod secum invehabat ossis fractio, id evenit ut, retracto bacillo, luxurient
undique carnis gemmæ, seu ex membranâ pituitariâ, seu ex tuniciis sacci lacrimi-
nalis, sicque, obturato aditu, malum de novo recrudesceat. Secum reputans quam
manca sit veterum agendi norma Anelius, novam methodum excogitavit. Im-
misso per punctum lacrimale superius tenui specillo paululum incurvo cujus apex
in olivæ formam desinit, illud adigit usque ad cavum sacci lacrimalis, tunc blandè
motitando, oppositum obicem vincere nititur, quem ut superet facilis, inje-
ctiones adhibet; mediante enim parvo syphunculo, iteratis vicibus, licuor idoneus
in saccum impellitur. Ista rectius excogitata nondum omne tollunt. 1º. Multos nan-
cisci est apud quos per exiliora ductuum lacrimalium orificia aditus sive specillo,
sive syphunculo patere nequaquam poterit. 2º. Quandoquidem intronissio ritè

succederet, hærens ductui nasali moles, illatam vim luderet, aut nondum altiori radice serpsisset malum; in medium profertur altera methodus, quæ saustos habet exitus quando morbus stat in principio; huc collinare est ut institutâ compressione, nihil colligi queat in sacco lacrimali, & dum mediantibus per nares injectionibus, minuitur in ductu nasali resistentia, sensim sine sensu ad pristinum robur redit faccus, & obex aliquando solvitur; si nihil inde boni emerierit, ad aliam opem confugiendum venit; adactò per nares in ductum nasalem specillo, nucleus obstructionis pedetentim frangitur, non omisis interea injectionum artificijs; quo quidem operandi modo id obtinetur ut feliciori nisu in nucleum impingatur. Attamen, non raro caret effectu prædicta operatio; ea adesse potest conformatio ut, osse turbinato inferiori supra quod hiat ostium ductûs nasalis strictis ossi maxillæ applicato, apex specilli nullâ arte intronitti queat; Chirurgus Parisiensis cecebat. PETIT veterum medendi rationem ingeniosè admodum correxit; incisio- nem eodem fere modo celebrat, adeo ut ad nasi radicem incipiat super illum locum ubi hæret tendo muscoli orbicularis, quem citra ullam noxam lædere fas est; sedulo incumbere debet medentis cura, ut partem cutis, quâ in oculi angulo palpebræ inter se committuntur, integram servet, aliter oritur Ectropium; postea diducuntur incisionis ora, conspicuoque lacrimarum receptaculo, altera insligitur. plaga per quam immittitur specillum ad nasi interiora, superato ductûs nasalis obice, deducendum. Hanc methodum cæteris præstantiore varia obfident incommoda; nonne aliquando abit in fistulam plaga exterior? nonne modo cicatrix inducitur, metuendum ne intus à turgidulis carnum gemmis ostium præcludatur? tandem quando res prosperrimo omine cederent, quamdam deformitatis notam imprimit cicatricis vestigium.

Quos in obstructione ductûs nasalis varii admovent auctores operandi modos, fido ordine recentissimus: nunc paucis perpendere est quid in occlusionis seu punctorum, seu ductuum lacrimalium: quid in fistula peractum fuerit. Quoad primum morbum non deficiere qui suaderent glandulæ lacrimalis extirpationem quasi, remoto ipsiusmet operationis periculo, corneæ desiccata diu servaretur pelluciditatis honos. Alii voluerunt ut acu tenuissimâ transfigerentur ductûs lacrimales, sicque ductibus restitueretur lumen; istâ in theoriâ fulgeant, iis enim non favet praxis, hic stetit industria: quoad fistulam, immisso per aperturam specillo, hærens ductui nasali obex detruditur; postea medicamentis rodentibus ora fistulæ callis obstru depascunt, si caries adit; nudato osse carie tentato, levem noxam spirituosis, majorem ferro candente circumcidunt; quo facto scopus eo tendit ut cicatrix obtineatur. Sed, si funxus interiora sacci occupet, si ejusdem sacci suppuratione exesi nulla maneant vestigia, quid ab artepetendum; in his ut & in prædicto occlusionis ductuum lacrimalium casu siluerat ars, donec à celeberr. hujusce scholæ M. PETIT ditata, novum auxilii genus in omnes morbos mox memoratos feliciter accomodatam, protulerit.

I V.

JUXTA majorem oculi canthum, infra carunculam lacrimalem, cavum quoddam inter internam palpebræ inferioris superficiem, & oculi globum deprehenditur. Hic ad latus, in sulco ossis unguis delitescit sacci lacrimalis pars antica & superna quam sola obtegit conjunctiva: hunc locum operationi dicatum voluit celeb Prof. ANT. PETIT, adhibitis quæ requiruntur cautelis, scilicet, ut convenienti modo præparetur ægrotans, ut manè instituatur operatio, quia turgescens faccus rudi etiam & inexplorato monstrat iter, ut in situ idoneo superius descripto, caput ægrotantis recumbat; quo facto, diductâ inferiori palpebrâ, adeoque cavum de quo jam dixi latè pateat tumori lacrimalis sacci immergitur scalpellum rectum, plana instrumenti superficie oculum spectante: incisione celebratâ, specillum duce scal-

pello immittitur, eoque usque ab obicem adacto, vi quâdam ad nares paratur via. Primis diebus cereus minor aut Cannula in foramine retinetur, donec ora incisionis occuluerint; postea ad hunc locum utpote declivorem delabentibus lacrimis, non pertimescendum ne obturetur aditus: hanc operationem exponere, laudare est. Cæcutiret profecto qui primâ fronte ipsius commoda non intueretur; in omni casu successus non fallax, nihil periculi, nulla deformitatis nota, præsens ac efficax in obliteratione ductuum lacrimalium, in ipsiusmet facci lacrimalis destructione, auxilium, in id conspirant, ut methodus hæc palmam cæteris præripiat.

V.

HANC operationem nullus boni detractor, increpet tanquam imaginationis ludum in musæ silentio partum; pluries jam celebrata, spem nunquam in praxi fessellit; sed ut pericula detegat, se ipsum torquet malè ingeniosus pavor: nonne inquit, ex plagâ conjunctivæ inflatâ oriri potest valida oculi inflammatio? nonne si carnes ex labro incisionis progerminent, intercipietur ad nares communicatio? Quoad primam objectionem, inanis est mali metus, quod tantum re malè peractâ contingit, cujus aliunde facilis medela; quoad secundam, nodus reselandus venit, quia perpetuo lacrimarum desluxu, apertum servatur foramen; præterea mediante Cannulâ quæ in cavo majoris canthi delitescet, omne impedimentum aut præcaveri, aut præcidi potest; nullum nunc ferit aures objectionis murmur: quid igitur super est, nisi ut vela traham properando ad conclusionem?

Ergo, impediitis lacrimarum viis, parari debet lacrimis artificiale iter, in cavum quod, juxta majorem oculi canthum, inter superficiem internam palpebræ, & oculi globumprehenditur.

DOMINI DOCTORES DISCIPLINÆ MAGISTRI.

M. Guillelmus - Josephus DE L'EPINE, Antiquior Scholæ Magister, Antiquus Facultatis Decanus, Academia Censor.

M. Hyacinth - Theodor. BARON, Antiquus Facultatis Decanus, necnon Castrorum Regis & Exercituum in Germaniâ & Italiâ Proto-Medicus.

M. Josephus PHILIP, Utriusque Pharmacia Professor designatus.

DOMINI DOCTORES DISPUTATURI.

M. Joann. Stanislaus MITTIE, Regiæ Scientiarum & Litterarum Nancei Academiæ Socius, necnon Stanislai I. Poloniarum Regis olim Medicus ordinarius.

M. Joannes-Baptista Alexander MAIGRET.

M. Franciscus-Felicitas COCHU.

M. Carolus-Ludovicus Franciscus ANDRY, Anatomies & artis obstetriciæ in gratiam Matronarum Professor designatus.

M. Claudius-Carolus DEJEAN.

M. Josephus DE JUSSEU, Regiæ Scientiarum Academiæ Socius.

Proponebat Parisiis STEPHANUS CROCHET, Cluniacensis, Diocæsis Matisconensis, Doctor Medicus Bituricensis, necnon Saluberrimæ Facultatis Medicinæ Parisiensis Baccalaureus, A. R. S. H. 1779.

AB OCTAVA AD MERIDIEM.

Typis QUILLAU, Saluberrimæ Facultatis Medicinæ Typographi 1779.